

Il Premi, promovût de Comunitât culinar, al è lâf chest an a **Eddy Bortolussi, Attilio Maseri, Alessandro Ortis e Celestino Vezzi** che o vin intervistât pe ocasion. » DI CHRISTIAN ROMANINI

Il cjistiel di Rivis Darcjan



**I**l poete e atôr **Eddy Bortolussi**, il cardiac **Attilio Maseri**, il garant pe energie **Alessandro Ortis** e il promotôr de culture furlane **Celestino Vezzi** a son i 4 vincidôrs dal premi Merit Furlan che al sarà consegnât sabide ai 5 di Setembar aes 6 di sere alî dal Cjistiel di Rivis Darcjan dilunc de tradiçionâl cerimonie che e compagne la assegnazion dal ricognossiment.

In chê ocasion al sarà ricuardât ancje **Giovanni Melchior**, za sindic di Rivis Darcjan par tancj agns, cofondadôr e ideadôr dal Premi che aromai al è rivât ae edizion numar 32.

Cheste manifestazion culturâl e je promovude dal consorzi de Comunitât culinâr dal Friûl e dal Comun di Rivis Darcjan in colaborazion cu la Provincie di Udin, il Consorzi tra lis Pro Loco dal Friûl culinâr e la Associazion Merit Furlan. La comission dal "Premi Merit Furlan" si è metude adun che nol è tant par esaminâ

lis cetantis segnalazions rivadis dongje ancje chest an di bande di Comuns, privâts, ents e associazions che a àn proponût personalitâts che si son distintis in mût particolâr intal cjamp dal lavôr, de ricercje, des sciencis, de culture, de art e de solidarietât.

Pe ocasion o vin sintût un dai 4 premiâts, **Celestino Vezzi**, che al à ricevût il Merit Furlan 2015 pal so impegn plurienâl a pro de culture furlane, par un coment a cjalt.

**Cuale ise stade la prime reazion?**

"Une sorprese grandonone che mi à fat tant plasê! Ma o scuen ameti che il prin pinsîr che o ai vût al è stât: cuissà se nol jere cualchidun altri che lu mertave plui di me chest premi".

**Parcè?**

"Parcè che e je tant int che e lavore simpri 'te ombrene.' Ancje se a son tancj agns che o colabori cun radio o television, dal sigûr a

son in tancj che no àn vude cheste stesse visibilitât, ma che a son impegnâts di plui di me e mi soi domandât se plui di cualchidun al varès vude la precedence".

**Cemût isal scomençât chest vuestri impegn?**

"Fin di piçul o scoltavi mè none che mi contave episodis di vite de int dal paîs: dute storie che no si cjate tai libris, ma che jessint la storie dai 'piçui' e je chê plui vere. Cussì o ai scomençât a cjapâ sù jo chês storiis e a contâlis: disìn che o ai dade place a cui che place no le à mai o no le varès mai vude".

**Ce significhial par voaltris chest ricognossiment?**

"Al è un ricognossiment ae 'storie populâr' che mi à tant passionât: une grande sodisfazion, soreud pe tante int che o ai cognossût e che o condivît cun jê chest premi".



ilfriuli@ilfriuli.it

**■ APONTAMENT A ZUI**

**Glesie furlane e torne te plêf di Sant Pieri**

**L'**apontament al è inmò La Zui, cheste volte par sierâ il 40n di fondazion. Dopo de cerimonie dal 2014 che e à ricuardât chel at di proteste dal Avost dal 1974, cuant che un trop di predis al veve bandonade la catedrâl di Zui parcè che i vescui no vevi acetât di celebrâ la messe par furlan, ancje chest an Glesie Furlane e à decidût di tornâ a Zui domenie ai 23 di Avost aes 6 sore sere par fâ il pont su la ativitât de associazion.

**Al sarà il president dal sodalizi bonsignôr Roberto Bertossi**, plevan di Vençon, a presentâ i progjets pal 2016 e a fâ une riflission finâl su chest cuarantesin aniversari de nassite uficiâl dal trop di predis e laics che a àn in pre Checo Placerean e in pre Antoni Beline i doi riferiments plui fuarts e populârs.

Dopo vè cjanât gjespui te plêf di Sant Pieri, ducj i partecipants si spostaran tal centri ecumenic de Polse di Cougnes par finî la serade in convivialitât.

**SCOLTADIS DI DRIUS**

**Simpri a lamentâsi**

Duc' o bramin di vivi a lunc. Une volte vecjos si lamentin dal masse timp ch'a l'è passât.



SMS: 393 00 90700  
diretta@radiofantasy.it  
TEL. +39 0431 30022

UDINE   VENETO ORIENTALE	FM 90.700	GORIZIA	FM 89.100	PAULARO	FM 107.700
PORDENONE	FM 95.800	TRIESTE	FM 89.100	TOLMEZZO	FM 101.600